

- Sed et multos occiderunt prophetarum Domini,
 110 Non volentes penitere sepius ammoniti.
 Cum tot malis finem vellet Dominus imponere,
 Misit Nabuchodonosor regem Babilonie,
 Qui destruxit civitatis muros per circuitum
 Nobilissimumque templi sternens edificium
 115 Aurum tulit et argentum, captivavit populum,
 Sedechie quoque regis interfectis filiis
 Erutis ipsum postremo excecavit oculis.
 Sic septuaginta annis plebs Israelitica
 Gemens flevit, sedens super Babilonis flumina.
 120 Post hec Cyrus rex Persarum interfecto Baltasar,
 Qui defuncto patre fuit rex in terra Sennaar,
 Remisit captivitatem filiorum Israel.
 Esdram scribam, Neemiam et ducem Zarobabel
 Atque Iesum sacerdotem, qui et templi diruta
 125 Rursus repararent atque civitatis menia,
 Ipsum quoque dedicarent templum sicut antea.
 Illo Chaldeorum regnum tempore translatum est
 Nutu Dei atque Persis sive Medis datum est;
 Nam regnavit Persa Cyrus tunc in Babilonia,
 130 Cui Darius successit, ex quorum prosapia
 Fuerunt reges per multa temporum curricula,
 Quoadusque Alexander egressus de Grecia
 Subiugavit sibi gentes et regum imperia;
 f. 2^r. Regem siquidem Medorum interfecit Darium
 135 Et possedit diversarum regiones gentium
 Tociusque terre solus habuit imperium.
 Tunc Medorum et Persarum cessavit dominium
 Et regni Grecorum cepit deinceps exordium
 Perdurans usque ad tempus Romanorum consulum.
 140 Alexander adhuc vivens regnum suum singulis,
 Qui secum nutriti erant, est partitus pueris,
 Et imposuerunt sibi omnes diademata,
 Fuerunt qui valde nequam, committentes pessima.
 Quorum de stirpe processit illustris Antiochus;
 145 Fuerat hic Rome obses, qui et ipse pessimus
 Cultum gentis Iudeorum atque sacrificium
 Dissipando prophanavit Dei sanctuarium.
 Crebro namque nequam ille missis exercitibus
 Iudeos sacrificare compulit demonibus,

110 'moniti' 1. Hd., 'am' von 2. Hd. übergeschrieben. 113 'muros
 ciuitatis' Hs. 120 'tyrus' 1. Hd., 'c' von 2. Hd. übergeschrieben.
 127 'caldeorum', 'h' übergeschrieben Hs. 129 'tyrus' Hs. 138 'cepit'
 = coepit.